

## Universitätsbibliothek Paderborn

### **Instructio practica ...**

De Sacerdotii Origine & Præstantia - Variis item Industriis, & Praxibus,  
quibus Sacerdotes boni ad Dei gloriam suámque & Proximi salutem  
promovendam sunt usi ; Malorvm Qvoqve Sacerdotvm infelici interitu,  
radicibus, & remediis Cui etiam Compendium Ritualis, ea, quæ pro  
commodiori Sacramentorum & ...

**Lohner, Tobias**

**Dilingæ, 1681**

Membrum 2. De Clerico faciendo.

[urn:nbn:de:hbz:466:1-48600](#)

feruntur, licentia concessa præsumitur, uti Ludov. Engel p. r.  
l. 1. tit. 1. §. 3. n. 22. cum Laym. c. 6. de Sacr. n. 2. docet.

K. Quod ordinariè Archidiaconus, aut is, qui officio illius  
fungitur, præstat.

L. Nisi per subsequens Matrimonium, aut Professionem  
Religiosam, aut dispensationem Pontificiam sit legitimatus;  
talis enim ratione originis censetur vilis, atque adeò indi-  
gous Sacris Ordinibus.

M. Quales sunt Uxorati, absolute rebaptizati, Adulti ab  
Hæreticis baptizati, Neophyti, publicè Pœnitentes &c.

N. Nisi aliunde de ejus scientia, aliisque qualitatibus  
constet; ob quam causam aliqui Religiosi vel Graduati non  
amplius examinantur.

MEMBRUM II.

DE CLERICO FACIENDO.

I. Clericus o. fieri potest etiam extra Missarum  
Solemnia, quocunque die, horâ, & loco. p.  
o. Clericus à Græco verbo *κληρον*, quod latinè sortem  
significat, dictus, quia, ut S. Hieronymus ad *Nepot.* ait, de  
sorte Domini sunt, vel quia Dominus sors, id est, pars Cleri-  
corum est: qui autem vel pars Domini est, vel Dominum par-  
tem habet, talem se exhibere debet, ut ipse possideat Domi-  
num, & ipse possideatur à Domino: qui Dominum possidet,  
& cum Propheta dicit: *Pars mea Dominus*: nihil extra Do-  
minum habere potest, cum ipsis enim partibus, puta auro, ar-  
gento, voluptatibus, honoribus &c. Dominus pars ejus fieri  
non dignatur; si ergo Altari serviens de Altaris oblatione  
sustentor, habens victimum & vestitum his contentus ero, & nu-  
dam Crucem nudus sequar.

P. Unde aliqui non improbabiliter colligunt, Primam  
Tonsuram (sic dictam, quia per istam abscissionem Capillo-  
rum cum sacra benedictione factam via ad reliquos ordines  
sternitur, verùsque Clericus efficitur) verum Ordinem non  
esse, eo quòd hi omnes ordinariè non nisi certo tempore &  
loco conferri possint.

II. Pro Clericis ordinandis, parentur forfices pro  
incidentis capillis, & bacile pro illis imponendis.

Ec

12 *De Essentia Sacerdotii.*

Et quilibet Ordinandorum habere debet superpellicium suum super brachium sinistrum, & candelam in manu dextra. Et vocantur omnes tonsurandi nominatim, & sigillatim per Notarium, & quilibet respondet: *Adsum.*

III. Quibus ante Altare coram Pontifice in Faldistorio cum Mitra sedente genuflexis, Pontifex surgit cum mitra, & dicit:

v. *Sit Nomen Domini benedictum.*

r. *Ex hoc nunc & usque in saeculum.*

v. *Adjutorium nostrum in nomine Domini.*

r. *Qui fecit celum & terram.*

*OREMUS.*

*Frates carissimi, Dominum nostrum J E S U M Christum, pro his Familis suis, qui ad deponendum comitatum suorum pro ejus amore festinant, q. ut donet eis Spiritum Sanctum, qui habitum Religionis in eis in perpetuum conservet, & a mundi impedimento, ac saeculari desiderio corda eorum defendat, ut, sicut immutantur in vultibus, r. ita dextra manus ejus virtutum tribuat eis incrementa, & ab omni cæcitate spirituali, & humana occlusis eorum aperiat, & lumen eis æternæ gratiae concedat. Qui vivit, & regnat c.*

*Q. Ex hoc colligitur, non sine arcano mysterio Clericis comastonderi, ut videlicet intelligat, quemadmodum nunc liberè propter DEUM crines dimittit, ita rerum quoque temporalium inordinatam curam & amorem ei abjiciendam esse.*

*R. Id est, quoad exteriorem aspectum, dum scilicet coronas in capite portare cernuntur.*

IV. Posthac sedente Pontifice, Schola inchoat, & prosequitur Antiphonam, & Psalmum.

*Tu es, Domine, qui restitues hereditatem meam mihi.*

*PSAL-*

PSALMUS.

Conserua me, Domine, quoniam speravi in te &c.

Repetitur tota Antiphona: Tu es, Domine &c.

V. Incepto Psalmo, Pontifex cum forcibus incidit unicuique extremitates capillorum in quatuor locis, videlicet in fronte, in occipitio, & ad utramque aurem, deinde in medio capitis aliquot crines capillorum, & in bacile deponit, & quilibet, cum tondetur, dicit:

Dominus pars hereditatis meæ, & calix mei: tu es, qui restitus hereditatem meam mibi.

VI. Omnibus tonsis, mitrâ depositâ, surgit, Pontifex, & stans versus ad illos, dicit:

OREMUS.

Præsta, quæsumus, Omnipotens DEUS, ut hi Famuli tui, quorum hodiè comas capitum pro amore Divino depositimus, in tua dilectione perpetuo maneant, & eos sine macula in æternum custodias. Per Christum Dominum nostrum. Amen.

VII. Tunc Schola inchoat & prosequitur, Antiphonam sequentem, quâ inceptâ Pontifex sedet cum mitra.

Hi accipient benedictionem à Domino: & misericordiam à DEO salutari suo, quia hæc est generatio querentium Dominum.

PSALMUS.

Domini est terra, & plenitudo ejus &c.

Deinde repetitur tota Antiphona: Hi accipient &c, quâ finitâ surgit sine mitra Pontifex, & ad Altare conversus dicit:

OREMUS.

Et Ministri dicunt:

\* Fle-

v. Flectamus genua.

R. Levate.

Et mox ad tonsos genuflexos versus Pontifex dicit:

*Adesto, Domine, supplicationibus nostris, & hos Filios tuos benedicere dignare, quibus in tuo sancto nomine habitum Sacre Religionis imponimus, ut, te largiente, & de voti in Ecclesia tua persistere, & vitam percipere mereantur eternam. Per Christum Dominum nostrum. Amen.*

VIII. Tum Pontifex sedet cum mitra, & accipiens in manum superpelliceum dicit singulis:

*Induat te Dominus novum Hominem s. qui secundum DEUM creatus est in Justitia, & Sanctitate veritatis.*

S. Conformiter scilicet Apostoli adhortationi Eph. 4. dicentis: *Hoc autem dico, & testificor in Domino, ut jam non ambuletis sicut Gentes (& Saeculares) in vanitate sensus vestri &c. Studentes deponere secundum pristinam conversationem, veterem Hominem, qui corrumpitur secundum desideria erroris, Renovamini autem Spiritu mentis vestra, & induite novum Hominem, qui secundum DEVM creatus est in Justitia & sanctitate veritatis; quæ verba bene ponderata debet Clericus, atque adeò operam dare, ut opere ipso compleat, & Mundo cum veritate dicere queat, quod Juvenis quidam conversus Meretrici, cum quā peccare consueverat, obvianti, &c, an non illam agnosceret, interroganti, ac: *Ego sum illa: subjicieni sapienter respondit dicens: Ast ego non sum ille, qui scilicet olim fueram.**

IX. Et mox imponit illud cuilibet repetendo:  
*Induat te &c. immittens usque ad scapulas, & immediatè trahens, si unum tantum sit superpelliceum, sicque facit usque ad ultimum, qui eo taliter induitur: si vero quisque suum superpelliceum habeat, singuli totaliter induuntur. Quo expedito*

*fine*

OREMUS.

Omnipotens sempiterne DEUS, propitiare peccatis no-  
stris, & ab omni servitute sæcularis habitus hos Famulos  
nos emunda, ut, dum ignominiam t. sæcularis habitus  
deponunt, tuâ semper in ævum gratiâ perfundantur: ut,  
sicut similitudinem coronæ tuae eos gestare facimus in ca-  
piibus, sic tua virtute hæreditatem subsequi mereantur  
eternam in cordibus. Qui cum Patre &c.

T. Non quod per se ignominia sit sæcularis habitus  
(cùm utique & is cum summa sanctitate jungi queat) sed  
quod illi, qui semel Mundo, & Sæcularibus desideriis de-  
positis Christum per perfectionis & imitationis studium  
sequi decrevit, probrosum sit, retrò respicere, & vanitates  
mundanas sectari.

X. Deinde sedet cuius mitra Pontifex , & allo-  
quitur illos sub his verbis :

Fili carissimi, animadvertere deberis, quod hodie de  
foro Ecclesiæ v. facti estis, & privilegia Clericalia x.  
sortiti estis: cavete igitur, ne propter culpas vestras illa  
perdatis, & habitu honesto, bonisque moribus atque ope-  
ribus DEO placere studeatis, quod ipse vobis concedat  
per Spiritum Sanctum suum. Amen.

V. Id est, in Ecclesiasticon numerum relati, ita ut à  
solo Ecclesiastico Magistratu ac Judice judicari possitis; un-  
de privilegium Fori, Ecclesiastici scilicet, consecuti dicun-  
tur Clerici.

X. Qualia sunt, exemplum esse à foro sæculari, tribu-  
tis &c. sine Sacrilegio graviter violari non posse.

XI. Tum, suggestente Archidiacono, Ordinati  
reddeunt ad loca sua.

M. E. M.